

DA VEMOR

An Autrou'n Abat a LANSALUT,

Chaloni eus a His a Itron Varia ar Vur a Ventrroulez,

eus a Meaux hac a Guemper.

PERSON GARLAN:

Maro e Montroulez, an 19 eus a vis Mae 1846, hac antéret an deiz

varlerc'h en Garlan, da bemp heur eus an nós.



O devez a c'hlaç'har ! ne velomp tro-wardro
Nemet tristidiguez var bisach tud ar vro....
An Abat LANSALUT, qen caret gant an oll,
Allas ! ô va Doue, a ràncomp dont da goll !
Na gléver, var ar mèz hac en qér, nep seurt brut
Nemet : Maro eo-ta an Abat LANSALUT !....

Peguer bras niver tud, diredet a bep-tu,
Vardro Sant-Malani, pen-da-ben dre ar ru,
A voa en em gavet da vesca ô feden
Gant ar c'hàn a varo demeus ar véleyen !
Eun dever just e voa dont eno da bedi
Evit eun den qer mad, qeuziet a bep-hini.

Pa bartias ar c'horf evit mont da C'harlan ,
E voe heuillet gant calz a vignonet dezan ,
Pere n'er c'huitajont , oll carguet a c'hlae'har ,
Qen a voe e gorf paour disqennet en douar .
Harp d'an autrou David eo laquet da repos ;
O eneou a zo en joa ar barados .
En em garout a rent evel daou güir vignon ;
Eur vadelez meurbet a voa en o c'halon .
Dorn Doue en devoa e gunduet dezàn ;
Madelez an Abat a voa bras evitan .
Goude beza santet trubuillou eus ar bed ,
Evel eun hilloen e voa en em staguet
Ouz an den generus , pini n'en d'oa qen c'hoant
Nemet da glasq bepret dont d'en renta contant .
Gante o daou e meus bet alies comzet ;
Va c'halon a zanten em c'hreiz joaüs meurbet
Pa deuen da zelaou an eil hac eguille ,
Hac o velet penaus voa bras o c'harante .

Er güelet hon eus oll , n'eus fors dre bez amzer ,
O tont gant eur soign vras da gövessât en qêr :
Nac ar brassa tomder , nac ar yenien vras
Na eljont en ampech , daoust d'e oll boan , sivoas :
Peur-gontanti an oll a voa e c'hoant vrassa ,
En despit d'e scuider , alies ar goassa .

Pelec'h cavout eun den qer mad , qen generus ,
Dignoc'h eus ar garg caer a Vinistr da Jesus ?
E blijadur vrassa , c'houi er goar , christenien ,
A voa , en peb amzer , ober vad d'ar beorien .
Na pebes niver tud , en o c'hövession ,
A recevas outàn peb consolation !

Garlanis maleürus! c'houi a goll eur güir dad ;
Mes ni ive , allas ! a goll eur mignon mad.

Daou vloas ha trégont zo ho poa-èn da Bastor :
Ha c'houi oc'h eus biscoas güelet etal e zor
Ar paour qèz ezommec , hep beza soulajet
Gant an den venerabl a ràncomp divoeret ?
Atao o receive eguis e vugale ,
Hac o rente contant ha joaüs hep dale.
E fêçon d'o receo , qer franc ha qer laouen ,
A laqe anêze d'âncouât o anqen.

Ma vije nep sourci etouez tud e barres ,
E cavet en Abat güir guelennadurez ,
Ha contant da zonet da zenti d'e gomzou ,
En em gavent eürus da heuill e guzulliou.
Mar tigüeje unan e zanzvad dianqet ,
Eguis eur pastor mad e rede d'e gavet ,
Hac e comze outàn gant qer bras madelez ,
M'en em rente souden da eur seurt carantez.
Biscoas den , a gredàn , goude en darempret ,
Na ellas qet mancout da zonet d'e garet.

Ne gredàn qet beza biqen dislavaret ,
O credi e vezo meurbet dies cavet
Eur Pastor qen carus eguetàn birviquen :
Graç déc'h , Garlanis qer , d'er possedi souden.

Unanet oll hirio en e servich eiz de ,
Demp brêmâ d'an daoulin da bedi var e ve ;
Trugarecomp Doue , rentomp dezàn enor
D'er beza bet qeit all evit hor güir Pastor ,

Ha pedomp hor C'houer ma zayo da repos
Etouez an oll æles en gloar ar Barados.

Miromp en hor c'halon memor an Abat ger ;
Ra vo presant demp oll atao en peb amzer ;
Memor eur Pastor mad zo ger da bep christen ;
En Abat LANSALUT hor bo sonch da vigen.

EUR MIGNON CÔS D'AN AUTROU'N ABAT.

Ma vije nep sourei etouez int d'ar
E caver en Abat eur guennadur
Ha c'ontant da zont da zont d'ar
En em gavent etrus da beuil e gualion
Eus eur pastor mad e zont d'ar
Iac e comze outin kant per d'ar
Men em reate soudeh da eur
Biscops den, a gredin, goun
N'ellus del mancoer da zont d'ar

N'o gredin del peza bipen d'ar
O credi e vexo meurbet dies caver
Eur Pastor den caris egualin d'ar
Grec d'ar, d'ar d'ar d'ar d'ar

L'annee oll h'ar en e servich eur de
L'annee h'ar d'ar d'ar d'ar d'ar

E Montroulez, eus a Imprimeri LÉDAN.